

Construccion di e restaurant na Baby Beach

Parti di e Masterplan Sero Colorado

MINISTER Demisionario Dangui Oduber ta contento di informa pronto e destaho publico pa construccion di restaurant Baby Beach lo bay na vigor. E proyecto di restaurant aki ta forma parti di e masterplan di Sero Colorado.

Despues di un periodo largo di preparacion y ehecucion, e masterplan aki ta drentando su fase final. E masterplan aki a wordo reparti den diferente fasenan, manera por ehempel e restauracion di e trapi nan na Rodgers y Baby Beach, Realocacion di e turtle wall, restructuracion di Rodgers Beach su parkeo, Baby Beach su parkeo, construccion di un “trafohuis” nobo, renobacion di e dos canchanan deportivo di tennis na Baby Beach, y awo e construccion di e restaurant na Baby Beach, cual ta situa entre e dos canchanan di tennis.

E realisacion di tur e proyectonan aki a percura pa eleva e calidad di e area completo. Sigur nan lo duna un impulso positivo y lo crea un spinoff economico grandi pa e area aki.

E destaho publico pa construccion di e restaurant lo bay cuminsa dentro di poco pa asina e construccion tambe di e restaurant por cuminsa y wordo finalisa e aña venidero. Una bes e canchanan deportivo di tennis y e restaurant wordo entrega e masterplan di e Proyecto di Baby Beach lo keda cristalisa.

Minister Oduber ta contento cu a pesar di masha hopi contratiempo a logra percura pa realisa e bunita proyecto, caminda a inverti miyones di florin den mehoracion di henter area y pone e area bek den su temponan di gloria. Hopi politico a priminti San Nicolas hopi cos y tiki por a realmente cumpli.

Minister Dangui Oduber a bisa loke e ta bay haci y a haci loke e la bisa. Ora cu e proyecto di Baby Beach y Rodgers beach keda cla henter e area lo keda masha bunita mes.

E maneho cu a wordo a hiba pa Minister Dangui Oduber a enfoca riba haci inversionnan den producto Aruba pa asina nos producto keda uno competitivo y e proyecto aki ta demostra con a cumpli cu e maneho tambe cu a wordo hiba.



relax, unwind,
rejuvenate

eforea
SPA
Hilton Aruba

Book your
journey now

Open Daily 9 AM – 6 PM | +297 526 6052 | auahh_eforea_aruba@hilton.com
J.E. Irausquin Blvd. 81, Palm Beach | hiltonaruba.com | @hiltonaruba